



Inatsisartunut ilaasortaq
Ineqi Kielsen
Siumut

Naalakkersuisut KNR-ip tunngatillugu aalajangiisinnaassusiat pillugu § 37 tunngavigalugu apeqqummut akissut

04-12-2015
Suliap nr 2015 - 459
Allakkap normua 1662557

Asasara Ineqi Kielsen

Postboks 1029

3900 Nuuk

Tlf: +299 34 50 00

Allak.: +299 32 20 73

Email: ikiin@nanoq.gl

www.nanoq.gl

Naalakkersuisut KNR pillugu piginnaatitaaffii pillugit apeqquinnut qujanaq.

Apeqquinnut akissutikka apeqquingeqartut malillugit tulleriarlugit ataani
allassimapput.

1. Naalakkersuisut KNR-ip ingerlanneqarneranut qanoq aalajangiisinnaassuseqartigippat?

Akissut:

Naalakkersuisut KNR-ip ingerlanneqarneranut nalinginnaasumik aalajangiisinaatitaangillat. Tamanna KNR-ip pisortat suliffeqarfiutaattut namminersortut Naalakkersuisut nalinginnaasumik ilitsersuisinnaatitaanerata avataaniinneranik pissuteqarpoq, takuuk Radiukut tv-kkullu aallakaatitsisarneq pillugu Inatsisartut Inatsisaanni nr. 7-imi, 8. juni 2014-imeersumi § 30, imm. 1.

Inuiaqatigiit oqartussaaqataaffiusut allat assigalugit KNR-ip nuna tamakkerlugu innuttaasunik kiffartuussisutut naalakkersuisullu akornanni naapeqatigiissinnaanermik tunngaveqartoqarnissaa Inatsisartut kissaatigisimavaat. Inatsimmi tassani § 30, imm. 2-mi namminersorneq tamanna erseqqissarneqarpoq, tassani allassimalluni suliani suliffeqarfiup ingerlatsineranut tunngasuni KNR-ip aalajangiineri aqutsinikkut oqartussaasunut allanut ingerlateqqinneqarsinnaanngitsut. Nalinginnaasumik naammagittaalliorsinnaatitaatitsisoqannginnera allaffissornikkut naammagittaalliutit oqartussani suliarinneriaatsip nakkutilliissutaanerani aqutsissutaanerani illu pissuteqarpoq, tassa aalajangiinerit assersuutigalugu Naalakkersuisunut naammagittaalliutigineqarsinnaasuupata KNR-ip namminersortuuneranik millisaataassammata. Tamatuma saniatigut oqaatigineqassaaq Naalakkersuisut pinnatik KNR-ip siulersuisui suliffeqarfiimmu qullersatut oqartussaammata, taamatullu KNR-ip sulineranut tamarmiusumut pingaarnertut akisussaallutik, inatsimmi § 32, imm. 1, imm. 1 aamma 2 naapertorlugit. Tamatuma kingunerisaanik KNR-imi aqutsisut inatsisit malinneqarnissaannut akisussaasuupput Naalakkersuisullu pingaarnertut nakkutilliisussaannaallutik.

Namminersornissamut Inatsisartunit KNR-ip qulakkeerneqarneranut pissutaavoq innuttaasunut kiffartuussinerup tusagassiornermi ingerlatsivimmut pingaarutilerujus-

suunera pissutigalugu naalackersuinikkut sunniinnaassuseqarnerup avataaniilluinnarnissaata mianerineqarnissaata pingaartinneqarnissaa, tamannalu KNR-ip naalackersuinikkut ingerlatsinermi immikkut soqutigisanit avissaarsimatinneqarnissaata mianerisariaqarneranut taamaalillunilu tutsuiginassuseqartariaqarneranut atavoq.

KNR-ip pingaarutilimmik namminersornera taamatutaaq Naalackersuisut sunniinnaanerisa inassuteqartoqarneratigut siulersuisut siulittaasuannik toqqaanissamut, siulersuisunut ilaasortat sinnerinik toqqaanissamut, tapiissutinik Aningaasanut Inatsimmi allasimasunik aalajangersaaqataanissamut, aningaasaleeqqittoqarnissaanik qinnuteqaa-taasinnaasunut isummeqataanissamut, kiisalu malittarisassiortuunerup kingunerisaanik piginnaatitaanermt killeqarneratigut takuneqarsinnaavoq. Kiisalu inatsimmi § 38 naapertorlugu missingersuutit naatsorsuutillu pillugit malittarisassat Namminersorlutik Oqartussanut atuuttut, kiisalu inatsimmi § 35 naapertorlugu aalajangersakkat Namminersorlutik Oqartussani sulisunut qaqugukkulluunniit atuuttut malissallugit KNR pisussavoq.

2. Naalackersuisut ulluinnarni KNR radiomi suliarineqartartunut akulerussinnaatitaapat?

Akissut:

Naalackersuisut KNR-ip ulluinnarni sulineranut akuliussinnaatitaanngillat, piginnaatitaaffik ulluinnarni aqutsinermuinaaq atuuttoq pineqarmat, takuuk radio tv-lu pillugit inatsimmi § 34. Aammattaaq tamatuma kingunerisaanik sullissiveqarfiup siulersuisui ulluinnarni sulinermt akuliussinnaanngillat.

Tamanna KNR-ip pisortat suliffeqarfiutaattut namminersortutut inissisimaneranut atasutut isigineqassaaq, takuuk apeqqummut nr. 1-imut akissut qulaaniittoq. Tassunga atatillugu pisortat innuttaasunut kiffartuussineranni radioqarfimmut tv-qarfimmullu KNR-itut ittumut qitiuvoq sullissiveqarfiup sulinerata tamatigoortuunnarani pivusorsiortuunnaranilu aamma namminersorfiunissaa, taamaalilluni sullissiveqarfiup illuinnaasiunnginnera qularutigineqarsinnaassanani. Pingaartitat tamakku ataatsimut pisortat radioqarfiutaata tv-qarfiutaatalu inuiaqatigiinni nutaaliaasuni pingaaruteqarluinnartumik tutsuiginassusianut tunngaviupput. Arlaannaannulluunniit atannginnikkut ilaatigut sullissiveqarfiup pingaartumik aallakaatitassatigut imaluunniit sullissiveqarfiup kiffaanngissuseqarluni aaqqissuisinnaaneranut akuliuffigineqannginnissaa qulakkeerneqassaaq. Taamaattumik sullissiveqarfiup ulluinnarni sulineranut pingaartumillu aallakaatitassaanut tunngatillugu piginnaatitaanerup sullissiveqarfimmut namminermut killeqartinneqarnissaa sullissiveqarfiup tutsuiginassusianut pingaaruteqarluinnarpoq.

Taamaattorli innuttaasunut kiffartuussinissamik isumaqatigiissut tunngavigalugu Naalackersuisut KNR-ilu peqatigiillutik siunissami sullissiveqarfiup innuttaasunik sullissinermini ingerlatassaanik ineriartortitsinissamut uuttortarneqarsinnaasunik piumasaqaateqarnissamik isumaqatigiissuteqarsinnaapput. Tassunga atatillugu radio tv-lu pillugit inatsimmi § 28-mi allasimavoq Naalackersuisut KNR-ilu innuttaasunut kiffartuussinissamik isumaqatigiissut aqquutigalugu innuttaasunut kiffartuussinermi pisussaaffiit

annertussusissaannik suunissaannillu aalajangersaassasut, taamatullu aamma isumaqatigiissutip minnerpaatut sunik imaqarnissaa aalajangersakkami allassimalluni.

Taamaalilluni Naalackersuisut KNR-ilu aningaasaliissutaasut tunngavigalugit aallakaatitassat suuneri inatsimmi taaneqartut iluarsisnaavaat, taamaalilluni assersuutigalugu meeqqanut aallakaatitassat, nutaarsiassat il.il. amerlassusissaat isumaqatigiissummi isumaqatigiissutigineqarsinnaangorlugit.

Tassa imaappoq aallakaatitassat suunerinut aalajangersimasunut taakkulu amerlassusissaannut piumasaqaatit isumaqatigiinniarnit tunngavigalugit innuttaasunik kiffartuusisinnamik isumaqatigiissut aqutigalugu sammivilerneqassasut, tamatuma akerlianik Naalackersuisut ulluinnarni sulinermut KNR-imit isumagineqartumut, aammalu aallakaatitassat aallakaatitallu sorliit qaqugukkullu aallakaatinneqarnissaat pillugu KNR-ip toqqaganut akuliussinnaanatik.

Naggasiutigalugu ilisimatitsissutigineqarsinnaavoq KNR-ip nammineq isiginnaagassianik tusarnaagassianillu tunisassiornerata annertussusianut tunngatillugu soqutigisarsiuungitsumik Epinion-imik misissueqqissaarnermi 2013-imi januaarimi tamanut saqqummiunneqartumi allassimammat KNR-ip Savalimmiunilu Kringvarpip akornanni assigiinngissuteqartoqarujussuanngitsoq, taakku marluullutik tamarmik amerlaqatigiipajaanik sulisoqarlutillu aningaasartuuteqarlutik.

Inussiarnersumik inuulluaqqusillunga

Nivi Olsen